

NUNARSUAQ TAMAKKERLUGU ATUARNEQ 2024

ATUA RAKET

KENYAMI NERISASSAT, IMEQ SILALLU PISSUSAA



PIJUARTITSILLUNI
INERIARTORPITSINERMI
NUNARSUARMINGUNIAGAQ



OXFAM
Danmark

SAQQAANI ASSEQ

Maximilla Turkanamioq
Ramslilu atuaqatigiipput.
Qupp. 8-mi takukkit.



Foto: Hans Bach



Oxfam nunani 60-init
amerlanerusuni atuarfiit
ilinniartitaanerlu suliarai. AtuaRaket
suliniummot Hele Verden i Skolemut
(Nunarsuaq Tamakkerlugu Atuarneq)
ilaavoq. Atuakkap atuarneratigut
Nunarsuarmiut anguniagaat 4 – meeqqat
tamarmik atuarfimmi atuarnissamut
pisinnaatitaaffeqarnerannut – ukkase-
qataatitsivutit. Nunarsuarmi atuartut
millionilippassuit peqatigalugit.



ATUARFIK:

ILLOQARFIK:

IMAI

Atuaraketimut tikilluaritsi / 4
Ministerip inuulluaqqussutaa / 6
Kenyaliaqatigisigut / 8

NUKARLIIT

Maximilla: Suli seqineq nuinngitsoq makittarpunga / 10
Uagut tassaavugut qernertunik isillit • *Salina Schjødt
Larsen* / 22
Gloria: Sialuit siulliit nakkaraangata / 34

ILIKKAGAQARNERUGIT PEQATAALLUTILLU

Meeqqat AtuaRaketimiittut Kenyalu pillugit
paasisaqarnerugit / 46
Nunarsuarmi anguniakkat – Kenyami / 47
Autens – suliniutinut immikkut ilisimasallit / 48
Sapaatip akunnera sunniinarfik 2024 peqataaffigisiuk / 50
Maximilla meeqqallu Turkinamiittut ikiortigut / 52
Katersuiniarneq pisariitsoq / 53
Allakkasi Ghanami nuannaartitsipput / 54
Maximilla Brianilu allaffigisigut / 55

AKULLIIT

Gift: Kuuk qorsuusoq / 56
Rachael: Nunarsuarmut erinarsuut / 64
Inuup ikinngutiginerpaasaa • *Adam O.* / 72
Brian: Imaq nalunngeqaarput / 82
Gladys: Panernersuaq / 90



ATUARAKETIMUT TIKILLUARITSI

Ukioq manna Afrikap Kangianut Kenyaliassaagut. Nunarujussuuvog inoqajuitsulik, naggorissortalik, taserujussualik portusuunillu qaqqalik. Kisianni sila pinngortitarlu allanngorput. Nuna sivisuumik panernersuaqarfiusimavoq qarsutsineqartarlunilu. Taamaalisarnerata nuna aserortarpa. Tamannalu nunami piitsuunerpaanut ajornerusumik kinguneqarpoq. Panernersuaqarnera peqqutaalluni inuit 4,5 millionit inuussutissaaleqipput.

Kenya Afrikami nunat pisuunerit ilagaat. Taamaakkaluartoq pisuunerpaat piitsuunerpaallu atugarisamikkut nikingasorujussuupput. Nunap naggorissup nunallu pisuussutaasa agguarnerat oqimaqati-giinngitsorujussuuvog. Inuit pingasuugaangata ataaseq piitsuusarpoq, meeqqallu amerlavallaat atuarfimmi 6. klassi angunngisaannarpaat.

Atuakkami matumani meeqqat arfinillit tusagaqarfigissavagut. Maximilla, ukiut tallimat sinnerlugit panernersuaqarfiusumi Turkanami najugalik. Gloria, siallersarnerata nalaani aqutissani immakkaangat atuariarsinnaajunnaartartoq. Nairobi nukkappiaraq Gift, atuarfiup eqqaani imertartariaqartartoq, Rachaelilu illoqarfiup mingutsinneqarsimaneranik ernumassuteqartoq. Brian, atuarfimmu akissaarukkaangamik Kenyap sineriaani aalisartartoq. Gladys qatanngutaalu, akulikitsumik atuarfimmi ullup qeqqasiutinik taamaallaat ullormut nerisaqartartut. Meeqqat assigiissutigaat tamarmik takorluugaqaramik neriuuteqarlutillu siunissamik ajunngitsumik namminerminnut, ilaquuttaminnut nunaminnulu.



Atuarluarisi

Line Gørup Trolle
Kampagneleder
Hele Verden i Skole



UKIOQ MANNA NUTAARTAASOQ

Hele Verden i Skole nutaanik suleqateqalernikuuvog: Lærestuderendes Landskreds aamma Autens. Autensimi atuarfinttu siunnersortit projektittu suliaqaatigaluni ilikkariartornertut immikkut ilisimasaqarput. Autensikkut ilinniartitsisunngorniallu qulit ukioq manna ilinniartitsisumut atortussaativut nutarsarpaat ineriartorteqqillugillu projektiterintertut iluseqarnerulersillugit. Taakku nittartakkami pissarsiarineqarsinnaapput. Ataatsimoorluta Nunarsuarmi unaminartut annerpaat ilaat ukkataragut. Neriuppugut AtuaRaketimi oqaluttuat Nunarsuarmik paasinnitsitsissasut isumassarsiorfiullutik, neriuuteqalersitsillutillu.



MINISTERIP INUULLUAQQUSSUTAA


Ukiuni kingullerni silap allanngortarnera sakkortusinikuuvoq naatsorsoruminaannerulerlunilu. Silap pissusia allanngorpoq. Kiarujussuarterpoq, nataqqornarujussuarterluni siallerujussuarterlunilu.

Kenyap ukiut 40-t ingerlaneranni panernersuaq sakkortunerpaaq aqqusaarpaa. Nunami piitsuunerpaat eqqugaanerpaapput. Amerlasuut uumasuutitik inuussutigisatik annaavaat. Narsaatiminni naatitsisinnaajunnaarput. Taamaammat ilaqutariippasuit inuussutissaat amigarput. Meeqqat atuarunnaartariaqartarput nerisassanik imermillu pissarsioqataasariaqaramik.

Tamanna ajorpoq. Atuarmissaq pisariaqarpoq, makkununga tunngasut ilinniarlugit: Nunarsuaq, silap pissusaa, pisinnaatitaaffiit demokratiilu. Paasiniarlugu qanoq tamatsinnut pinngortitamullu siunissaq pitsaanagerusooq pilersissinnaaneripput. Tamatta iliuuseqarnissarput pisariaqarpoq. Ataatsimoorluta akisussaaffigaarput. Aatsaat ataatsimoornikkut anguneqarsinnaapput. Nunarsuarput pissusissaatut ingerlateqqilertariaqarparput Nunallu anguniagaat nr 17 eqquutillugu. Sapinngilagut.

Taamaattumik pingaaruteqarpoq meeqqat nunani allani ungasissumi inuunerat pillugu ilinniarnissaq. Aamma nunarsuatsinni silap pissusaata tamatsinnut assigiinngikkaluamik qanoq sunniuteqartarnera. Iliuuseqataasinnaavutit. Aallartilluareerputimmi uuma atuakkap atuarneratigut.

Atuarluarisi




DAN JØRGENSEN
Minister for udviklingssamarbejde
og global klimapolitik






KENYALI- AQATIGISIGUT




Nuummiit silaannakut toqqaannarlugu Nairobi mut 10.000 km sinneqalaarpoq.



MAXIMILLA
KADINYANGOLEMI
NAJUGAARPOQ



GLORIA
GANZEMI
NAJUGAARPOQ



GIFT
NAIROBIMI
NAJUGAARPOQ



BRIAN
KIKAMBALAMI
NAJUGAARPOQ



RACHAEL
NAIROBIMI
NAJUGAARPOQ



GLADYS
ILDAMAT WARDIMI
NAJUGAARPOQ

Kenya Afrikap Kangianiippoq Danmarkmi illu 13-eriaammik anginerulluni. Inuit 55 mill. miss. tassani najugaarput. Uganda, Sydsudan, Etiopien, Somalia Tanzania sanilerai. Kangimut Det Indiske Oceanimut sineriaarpoq. Ækvatorip nalaaniimmat ulloq unnuarlu sivisoqatigiipput.



Kenya nunataa annertoq naggorissuuvog kiattuullunilu. Nunap ilaa panertorujussuuvog narsaalluni inoqajuitsuullunilu. Kenya amerlasuut narsaatini naatitsineq inuussutigaat. Nunami piffiit amerlasuut panernersuaqarfiupput naatitsivigiuminaallutik. Taamaammatt amerlasuut naammattunik nerisassaqaqqanngillat.



Kenya naggueqatigiit assigiinngitsut 40-t sinneqarput. Amerlanersaat naggueqatigiinnit ukunaneersuupput: kikuyu, luhya aamma kamba. Atuakkami matumani aamma tusarfigaagut naggueqatigiit: masai, mijikenda aamma turkana. Tuluut swahilillu oqaasii pisortatigoortumik oqaasiupput. Tamangajammik oqaatsit taakku atorpaat, amerlasuulli aamma namminneq oqaatsitik atorpaat. Innuttaasut affangajaat 15-it ataallugit ukioqarput.



Kenya nunaavoq naggorissuovog pigissaartorlu. Taamaakkaluortoq 16 millioningajaat piitsuupput. Tamatumunnga pissutaavoq nunaatit nunallu pisuussutai equngasumik agguarneqarsimanerat. Amerlasuut imertartarput. Neriassat imerlu pitsaanerumik agguanneqaralarunik tamanut naammakkaluarput.



SULI SEQINEQ NUINNGITSOQ MAKITTARPUNGA

☰ LINE GØRUP TROLLE 📍 HANS BACH

Suli taartoq iterpunga. Anorip siorsuppallunna sioqqallu illutta iigaanut ivigarsuarnut tuppallatarneri tusaasinnaavakka. Pujorsunnippoq. Qatanngutikka sinipput. Anaanaga silatitsinni suliaqarpaluppoq.

Tiitorpunga. Susannelu Jennifer atuarfimmu ingiaqatigaarput. Qatigattuut illuaqqallu saneqquavagut. Aqqusineq sioraasoq ikaarparput. Susannep allattaavikka atuagaasivinniittut tiguai toqqorlugillu. Taava uanga Susannep allattaavii tiguakka. Naagut annernartuinnanngorlugit illarpugut.



Maximillamik ateqarpunga 9-nillu ukioqarlunga. Ikinngutima Maximik taasarpaannga. Turkanami ilaqttakkalu najugaqarpugut.

Ataataga qilammiippoq. Ukiut sisamat matuma siorna motorcykelinik ajutoorluni ajunaarpoq. Illuaqqatta tunuanni sioqqanik qattunersaqarpoq. Tassani ataataga iliveqarpoq.



Ataatama pinguaqatigisarnikuuatigut. Isai qungujulajuaannartuupput. Oqarfigisarnikuuanga atuarneq pingaaruteqartuusoq. Atuartutut uniformissakka siullit pisiarinikuuai. Toqummat aliasungaarama atuariarneq ajorpunga. Sapaatit akunneri arlallit qaangi-ummata ilinniartitsisora aggerpoq. Oqarpoq atualeqqikkuma iluaqutigissagiga.

30-nik savaasaateqarnikuuvugut. Ataatama neriniartillugit orpigalimmukaattarpai. Nammineq taquartarpoq tæppemillu nassarluni. Sapaatip akunnera qaangiukkaangat utertarpoq savaasat puallarsimasut ilagalugit. Savaasat ullu- aluit imertartarfiup eqqaani imigaqarlutik uningasarput ataata orpigalimmut ingerlateqqinnginneranni.

Taavali panernersuaqalerpoq. Naasut naasinnaangillat. Savaasat neriniarfissaqangillat. Ilaat toqupput. Sinneri tunisariaqalerpagut ataatarput napparsimavimmut unittariaqalermat. Ukiut tallimat sinnerlugit panernersuaqarpoq. Anaanama oqaluttuarinikuuaa inunngunngikkallarama ukiumut marloriarluni siallertartoq. Maannali siumut naatsorsorneq ajornaqaaq. Anaanaga aanama savaasaataanik paarsilluni ikiuttarpoq.

Anaanagalu palmit pilutaat saniutiliaralugillu alukumiartorfiliarivagut. Tamakkuninga suliaqarneq makutimik taaneqartarpoq. Anaanaga pisiniarfeeqqamik ammaarusuppoq. Taava illoqarfimmiit illoqarfimmut ingerlasaqattaartassanngilaq. Suliaminik tunisaaqaraangat nerisassaqartarpugut.



Ilaanni kaallunga atuartarpunga. Taava aqajarora immerniarlugu imertartarfimmi imerujussuurtarpunga. Ullup qeqqanut githeritortarpugut. Bønnet majsillu igaat. Oqummikkat siulliit kissartarput aqillutillu.



Atuurfimmiinneq iluarisaqaara. Ilaanni siusinaarlunga atuariartarpunga. Taava allat takkutinnginnerini inersuarmi atuakkamik atuartarpunga.

2. klassimi atuartuuvunga. Ilinniartitsisorput Janemik ateqarpoq. Fagini tamani atuartittarpaatigut. Angisuunngoruma uanga aamma ilinniartitsisunngorusuppunga.



Seqineq tarringajaleraangat Christine Jenniferilu imertaqatigisarpakka. Sioqqat kissartut aqutugalugit dunkersuit kalittarpagut. Oqaluttaqaagut erinarsorlutalu isertugaatitsinnillu annissuiffigeqatigiittarluta.



Imertartarfimmi asattortarpugut. Erngup nillerna iluartaqaag pujoalallu peertarlugu. Ullut ilaanni dunkit ulikkaavinneq ajorpagut. Anaa-natsinnut oqartarpugut nukissaaleqigatta oqimaappallaassaqqimmata ulikkaarsimanagit. Taava imertaqqittarpugut ataatsimoornissat-sinnullu periarfissaqaqqilertarluta.



Anaana killunik ikumatitsillaqqinnerartarpaanga. Qulingiluanik ukiullit killunik ikumatitsillaqqissut ikeqaat. Anaanaga angerlamut apukkaangat igaat piareersimasarput. Bønnet ujaraaraajartarpakka. Anaanama eqqaamiugut nerisassanik pajuttortarpai. Peqaraangatta agguaattarpagut. Aamma ullaakkorsiutissanik toqqorsilaartarpoq.

Illuaqqagut pingasuupput, tassa awigut. Illuaraqarpugut igasarfik aamma pialuusivik. Aamma ataaseq qilaaqanngitsoq siniffigisartagarput. Qilaaq pisariaqartinngilarput. likkalli anorimut iluaqutigaagut.

Taarinnarmi qatanngutikka tutillugit innangavunga. Qaammat ulloripassuillu takusinnaavagut. Allattaavikka eqqarsaatigaakka. Naavillugit allaffiginikuuakka. Aamma ataataga eqqarsaatigaara. Nalunngilara ullumi atuariusullunga atuartaannarusullungalu.



360°



Maximilla atuarfianut ingerlaqatigisiuk.

FILMIT ASSILLU TAKUSINNAVASI UANI
HELEVERDENISKOLE.DK/MAXIMILLA





UAGUT TASSAAVUGUT QERNERTUNIK ISILLIT

📖 SALINA SCHJØDT LARSEN 🎬 ANGELICA INIGO

“Na-aa!” Orpiup avalequtaata uluara utersaarfigaa. Anaarluffia attorpara, kissaqaq.
“Nipaarsaarlutit,” Sinem oqarpoq. Isikkorlorujussuarpaanga. Isaasa sinai qernertumik tanissimapput. “Nassaarineqarusunngilagut.” Ingerlaqqillunilu. Vogelip ornippaanga. Taanna angisuunik isaruaqarpoq. “Talitit imannak qummooqassavatit.” Orpiit ivissuillu akornisigut qanoq ingerlanissannik ilitersuuppaanga. Oqaasii malillugit ingerlalerpunga. Ingerlalluta napasuliaasarujussuup saanut periasarpugut.





“Karriisiverujussuarmik
nassaarpugut,” Vogel
mobiliaqqaminut oqarpoq.
“Nerisassanik nassarluta
angerlassaagut.” Nerisassanik
tillitassatsinnik ujaasivugut.
Vogel, Sinem uangalu. Nerisassat
pisuut toqqorsimasaat.
Pisuut pisuujuaannarusupput.
Vogel taama oqarnikuuvoq.
Taamaammat nerisassat
toqqortarpaat. Toqqortaallutik
asiuinnartarput. Piitsummi
nerisassaqaanngikkunik
piitsuujuaannassapput.
Nerisassallu sinneruttut
paggallugit kamaassutigalugit.
Uagut tillillugit utertittarpagut,
taamaasillutalu nunarsuarmi
atukkat naligiinneruler-
sittarlugit.



Taava kælderinut toqqortarpugut amigaateqartunullu tunniuttarlugit.

Naatitat. Neqit, neqit siatsivimmi siassinnaasut.

Nerisassat takorluuginnarsinnaasaraluagut.

Aamma fiistertarpugut. Nassaarineqannginniassagatta

nipaarsarluta fiistertarpugut. Piitsuuguit

nipaatumik fiisterneq ilikkassavat.

Nipaarsaaruit paarsisut pisuppalunnerat tusaasinnaajuaannassavat.





“Ajunngitsuliorneruna nalugaat?” Pisuut pillugit Vogel aperaara.

Ileqimisaartorpoq. “Naagga, taamaagunangikkaluarpoq. Immaqaakua ersisut.”

“Ersisut?” Sinem uumisuppasilluni oqarpoq.

“Aap.” Vogel isigalunga oqarpoq.


“Atugarissaartuunermik annaanissaa annilaangagaat. Piitsutut inoorusungillat.

Isuma qarput piitsutut inuuneq sakkortuujusoq assigiikajaaginnaallunilu. Taamaamat suna tamaat atorlugu piitsut piitsuuginnartinniarpaat. Qanormi eqqarsassagaluarpat pisooq ataaseq uatsinnut nerisassanik tunniussisuuppat? Soorunami ilaminit anisitaassagaluarpoq – maanga uatsinnut. Tassalu tamanna ersigisaat.”

“Uatsitut ilinissartik ersigaat ... Aamma taamaamat ikiorusungilaatigut.”



Nassataqarpiarsinnaanginnatta sikkiligut pingasut kalitallit kisiisa nassarpagut. Nerisassat assersorluarniarlugit ujaqqanik tippinillu ulikkaavillugit usilersornikuuagut. "Erniinnaq Illoqarfik tikissavarput," Vogel oqarpoq. Illoqarfimmik ateqarpoq. Taanna kisimi illoqarfiummat allatut ateqarnissaa pisariaqanngilaq. "Paarsisoqarpoq," Sinemip isigiitigalunga oqarpoq. "Qimataanaveersaarsinnaassavit?" Anngaavunga. Siullermeerlunga anillaqataalerpunga. Tatigingilaanga. Takutissavarali ... Uagut tassaavugut qernertunik isillit. Aamaruutissat atorlugit qernertumik tanitat. Uagullu ataatsimoortuuvugut.



“Sunik nassataqarpisi?” Paarsisoq aperivoq.
“Illuliornissatsinnut ujarassagut,” Sinem
oqarpoq, ujaqqat nerisassanut assiaqutigisagut
tikkuaatigalugit.
Paarsisup nakkuppaanga. Anngaavunga.
Isikkorlungaaraminga soorlusooq isiminik
kapuuginnaraanga. Kiakkerpunga. Immaqa sallusunga
takusinnaavaa. Salluneq inuunermik akeqarsinnaavoq.
“Arlaanik oqaasissaqarpit?” Isikkorlullunga
aperivaanga.
Nuaga iivara. Ila sallusinnaanerpunga? Qernertunik
isilinnut ilaanerpunga?



GLORIA

SIALUIT SIULLIT NAKKARAANGATA

LINE GØRUP TROLLE HANS BACH

Pallorlunga atuarpunga. Avatangiiseerutiivillunga atuarpunga. Aqqaluga ineqatigaara. Suli soraangimmat kisimiippunga. Inerput iluartumik nipaappoq.





Gloriamik ateqarpunga 9-nik ukioqarlunga. Qattorgup qaani illumi najugaqarpunga. Illutta eqqaani akkakka, atsakka illortaakkalu illoqarput. Aamma aanakkukka. Ataataga illoqarfimmi Mtwabami suliffeqarpoq. Maanga Ganzemut akuttuumik angerlartarpoq. Ataasiarlunga anaanaga qatanngutigalu ilagalugit tikeraarnikuuarput. Taamani Tom aamma Jerry isiginnaarparput aamma orpiit baobabit kingunissaanik sanaanik mabuyunik mama-kujuttutorpugut.

Anaanaga arnallu allat illutta atinguani qattunermi majsinik bønnenillu naatitsisarput. Sialuilli assut amigaatigaagut. Kingullermik naatitat ikittuaraapput. Maanna majsit seqinermi panertorujussuanngorput. Aanama majsit anaalerlugit ameraajarpai. Nuna naatitsiviusoq suliareqqipparput. Anaanaga oqarpoq tulliani siallilerpat ikkussuinissamut piareersimassasugut. Kingusi-naarutta naatitat naanngitsuussapput.

Atuariaraangama aqut takisooq
ingerlavigisarpara. Seqineq kissaqaq. Aqut
qooqqumiippoq. Orperujussuaq baobab
aqqusernup sinaaniippoq. Mabuyu assut
illigigaluarpara. Taanna mamakujuk aappaluttoq
tunquarnippoq seernarlunilu. Sivisuumik
milluarneqarsinnaavoq. Naggataagut baobab
kingunissaa oriarneqartarpoq.



Siallilerpat qooroq kuungussaaq. Siallersar-
nerata nalaani ilaanni atuariarsinnaaneq
ajorpugut. Ilaanni illooraralu Stella
akunnerpassuit utaqqisarpugut. Kuuk
kuunnikilligaangat tasiarluta kigaatsumik
ikaartarpugut. Naqqa maralluummat quasallunilu
orlunaveersaartaqagut.



Ullumi ulloq immikkut ippoq. Atuarfimmi nerriviit tamarmik pappiarqarput. Kenyami 3. klassimi atuartulli allatut misilitsittussaavugut. Kukkukooq angutiviaq qarlorpaluttoq atuartulli allat oqaluppallunnerat tusaasinnaavakka. Peqqissaaqalunga suliarakka. Nerioqaanga tamaasa akisinnaassallugit.

Ullormut anitsiarfik nuannernerpaasarpoq. Anitsiarfimmi lenga-lenga pinnguaatigisarparput. "Miloriunniaruk, uannoorniaruk," Sylvia suaartarpara. Eqqunnginniassammanga sanimut pissippunga. Illarpugut. Suaartaqqilerpara arsalu akornissaanut piareerlunga sassarterlunga.



Igaffik pujorinnaavoq.
Isinut qasilippoq. Tassa
igagaangatta taamaattar-
poq. Siullermik imermik
qalatitsisarpunga. Imeq
illutta saani kuuffimmit
pisarparput. Imeq qalale-
raangat majsmelit akule-
ruttarpakka. Kigaatsumik
aalaterusaarlugit
kinersiartuaartarput.

Ugali mamaqaaq. Aamma
managu pisariitsumik
miseraliarineqarsinnaavoq
aalisagaaqqanik omenanik
akullugu. Orpissuup ataani
alanngormi nerivugut.






Tassa uanga savaasaatigut anisikkikka. Taki-
suumik pituutalerlugit orpimmut qilerpakka.
Taamaalillutik allamut qimaanatik pisoqattaarsin-
naassapput. Unnukkut iserteqqittarpakka. Ilaanni
qimaasarput. Unnukkut igaffitta eqqaani illumut
isertittarpagut.



Juulli nuannernerpaasarpoq.
Ataataga juullimi angerlartar-
poq. Savaasamik toqutsisarpoq
ikumatitakkullu siattarlugu.
Saniligut tamarmik aggikaa-
sarput. Qittallutalu erinarsor-
tarpugut illoqarfiliartarlutalu.
Illoqarfimmi aqqusineq inunnik
nuannattunik ulikkaartarpoq .



360°

Gloria inaanut
alakkarsiuk.

FILMIT ASSILLU TAKUSINNAVASI UANI
HELEVERDENISKOLE.DK/GLORIA



MEEQQAT ATUARAKETI- MIITTUT KENYALU PILLUGIT PAASISAQARNERUGIT

FIILMIT ASSILLU
TAKUSINNA-
VASI

Nittartakkami atuartut atortussaat TIL ELEVENimiipput. Ilai nutsernikut iserasuaat.gl-imiipput. Kenyamut meeqqanullu atuakkamiittunut tunngatillugit sammisassat arfiniliupput. Meeqqat atuakkamiittut atuarfimmini angerlarsimaffimminilu videoliarineqarnerat takusinnaavasi. Kenyami sila, silap pissusaa uumasullu pillugit ilinniarsinnaavusi. Nunap oqaluttuassartaa, naggueqatigiippassuit ileqqulu pillugit aamma atuarsinnaavusi. Sapangaaqqat atorlugit assassugassanik suliassartaqarput. Kenyami pinnguaatit ilinniarsinnaavasi, meeqqat qiteqatigisinnaavasi kenyamiullu nerisassiaat assillillugit nerisassiorsinnaallusi.



ATUARAKETIMI
MEEQQAT



PINNGORTITAQ
SILALLU PISSUSAA



ATUARFIK
ULLUINNAALLU



PIVIUSUT
OQALUTTUAARISAANERLU



NUNARSUARMIUT
ANGUNIAGAAT KENYAMI



KENYA, MALUGISSITSIT
TAMAASA ATORLUGIT

NUNARSUARMI ANGUNIAKKAT - KENYAMI

FN-ip anguniagaa nr 17 nunarsuatsinni piujuartitsinissamut pilersaarutaavoq. AtuaRaketimi oqaluttuat Nunarsuarmi anguniakkani unamminartortaasut ilaannik imaqarput. Nunarsuarput pitsaanerusumut sangutissinnaavarput atukkatigut assigiinnginneq annertoq ataatimoorluta iliuuseqarfigigutsigu.

Atuagaq una Nunarsuarmi anguniakkani kaattoqannginnissaanut, atuarnermut, suaassutsit naligiissitaannerannut, imeqarnermut, naligiinnerunissamut silallu pissusaanut tunngasunik imaqarpoq. Taakku Nunarsuarmiut anguniagaat arfinillit pillugit nittartakkami paasisaqarnerusinnaavusi.



2 KAATTOQAS-
SANGIILAQ



4 ILINNIARTITAANEO
PITSAASUGULIK



5 SIDAASSUTUT
MALUGISSITAANERIK



6 ANNGUTTEQENIK
TASIGANIK
SUKULUSIAANERILIK



10 MALUGISSIINNEQ
MINNERPISQ



13 SILAP PISSUSAA
SALINUTTEQAS-
TIGALUKA

HELEVERDENISKOLE.DK/TIL-ELEVEN



HELEVERDENISKOLE.DK/
VERDENSMAAL-I-KENYA



AUTENS – SULINIUTINUT IMMICKUT ILISIMASALLIT



Ukioq manna Hele Verden i Skolep Autens suleqatigaa. Taakku atuarfinnik ineriartortitsineq suliaaraat, projektitut suliaqaatigaluni ilikkariartornernut immikkut ilisimasallit. Autensip atuariit atuartullu peqatigalugit pissanganartunik, aalanartunik assigiinngisitaartumillu atuartitsisoqarnissaa sulissutigaa. Ukioq manna sammisaqarluni atuartitsinermut atortussat akullernoortut ineriartortissimavaat. Tassani atuartut immassaanut, suleriesissanut pilersitassanullu toqqaqaataapput.

SULINIUTEQAATIGALUNI ILIKKARIARTORNEQ

Suliniuteqarnek tunngavigalugu suliaqarnermi sammisat misissuiffiginissaat, aaqqiissutiliorniarnissaq aamma atuaqatit peqatigalugit suliniummik pilersitsinissaq periarfissanngortarpoq. Nutaaliorinnaassuseqartariaqarpoq alapernaatsuullunilu. Ilisimasat tamaasa aallaavigalugit suliaqarnermi apeqquisiisoqarsinnaavoq, misissuilluni suliniuteqarlunilu.

NUNARSUARMIUT ANGUIAGAAT PIVUSUNNGORTIKKIT

Atuarfiup avatangiisillu ataqatigiissinnissaannut Akullerni FN-ip Nunarsuarmut anguniagaa nr 17 pillugu suliniummik ingerlataqarnissaq periarfissaavoq pitsaasoq. Inuiaqatigiit atavartitsinermik aallaaveqarnerullutik ingerlalnissaannut ikiuutiitigaluni Nunarsuaq inuuffipput pillugu ilisimasat annertusarneqarsinnaallutik. Nunarsuarmi unamminartut paasisaqarfigineqassapput aamma isumassarsiorsinnaanermut, isornartorsiuinnaanermut sungiusaatigaluni allanik suleqateqarnek sungiusarneqarsinnaavoq.

Kenyami meeqqat ulluinnarni inuunerat qanoq pitsaanerusumik ingerlalersinneqarsinnaaneranut suleqatigiillusi, isumassarsiorlusi aaqqiissutissarsioqataallusilu nuannersumik suliniummik aallartitsigitsi. Ukioq manna akullernut sammisat pingasuusut tamarmik immikkut Nunarsuarmiut anguniagaannik imaqarput.



ATUARTUNUT ILINNIARTITSISUNULLU QUJANAQ

Autens atuartut ilinniartitsisullu AtuaRaketimi suliniutit ingerlatassat sammisassartaannut ikiunnerannut qujarujussuarpoq. Suleqataasut tassaapput 4. a Rude Skov Skolemi immikkoortoq Høsterkøb, 5.a Langebjergskolen, 5.a Lundtofte Skole kiisalu 6. x Borgerskolen taakkulu ilinniartitsisui Tanja Dahlsgaard, Lise Lotte Dagger, Kirsten Larsen aamma Louise Greve.

SAPAA TIP AKUNNERA SUNNIINIA RFIK/AKTIONSUGEN

SIUNISSAMUT PITSANERUSUMUT ATAATSIMOORLUTA AQQUTISSARPUT

Ukiut tamaasa meeqqat inuusuttullu nunanit 100-t sinnilinnit Sapaatip Akunnera Sunniiniarfik peqataaffigisarpaat. Sap. akunnerani tassani eqqaasinnegartarpugut nunarsuarmi tamarmi meeqqat atuarfimmi pitsaasumi atuarnissaminnut pisinnaatitaaffeqarnerannik. Tamanna pissaaq sap. ak. 22-mi, tassungalu peqataanissassinnut qaaquassi.

Massakkut Nunarsuarmi meeqqat 6-11-nik ukiullit 67 millionit atuaruutunngillat. Soorlu atuakkami matumani atuarissi sila silallu pissusaata allangornerat Kenyami meeqqat ilaasa atuarsinnaanerannut apeqqutaasartuq. Taamatut ingerlasoqaannarpat suli meeqqat amerlanerusut atuannitsoornerannik kinguneqarsinnaavoq. Taamaattoqassanngilaq. Taamaamat meeqqat tamarmik pitsaanerusumik siunissaqarnissaannut aqqutissiveqataasariaqarpugut – siunissaq, pitsaasunik atuarfeqarnermik pinngortitamilu oqimaaqatigiinnermik ataavartitsisoq.

ATAATSIMOORLUTA AQQUTISSAQ TAKUTISSAVARPUT

Inuit tamarmik pitsaasumik siunissaqarnissaannut 'aqqutissaq' politikertit takutissavarput. Tamanna aatsaat ataatsimoornikkut anguneqarsinnaavoq. Atuartut tamaasa kajumissaarpagut namminneq 'aqqutilliaminnik' suliaqarnissaannut.

NITTARTAKKAMIIPPUT
ILISSERUTIT,
ILITSERSUUTIT
PAASSISSUTISSALU.

IMAALIUSSAASI:

- Aqqusernup ilamernata ilaa toqqarsiuk anillatsillugulu.
- Aqqusineq titartaaffigisiuk allaffigaluguluunniit atuarfik nunarsuarlu pitsaasut anguneqassappata suut pisariaqarnerisut. Aqqusinermi mianersorfissat unamminartullu takutissinnaavasi, ikiuutissat, unillatsiarfissat, sanguffissat, inuit pingaarutillit, aqqusernullu sinaanit illut pinngortitarlu – suliorsinnaavusiluunniit.
- Københavnimi Sap. akunnera sunniiniarfik peqataaffigisiuk. Imaluunniit 'aqqusiniliasi' Oxfam Danmarkimut nassiussigit, kingusinnerpaamik ulloq 22. maj 2024 tigoriissavagut.
- Christiansborgimi siunissamut pitsaanerusumut 'aqqusiniliasi' katitissavagut.

PAASISAQARNERUSINNAAVUSI
UANI HELEVERDENISKOLE.DK/
AKTIONSUGEN-2024

SIUNIS-

SA-

MUT

PITSAA-

MUT

SU-

AQQUT



MAXIMILLA MEEQQALLU TURKANAMIITTUT IKIORTIGIT

Maximilla 9-nik ukiulik Kenyami nunaannarmi najugaqarpoq. Illoqarfeeraani Turkanamiittumi siallingisaannangajappoq. Ukiut tallimat sinnerlugit panernersuaqarsimavoq. Naasut orpiillu inerikkiartorsinnaangillat uumasullu nerisassaqsararik. Tamaani ilaqutariit amerlasuut ukiuni hunnorujorpassuarni uumaasuuteqarneq inuussutiginiuuuat. Kisianni Maximillap ilaqutaasa savaasaatitik tamaasa annaanikuuaat. Ilaat perlerlutik toqupput sinnerilu tunisariaqarsimavaat. Ilaqtariippassuarnut pissutsit taamaapput. Inunnut uumasunullu nerisassanik amigaateqarput. Ullut ilaanni Maximilla ilaalu atuarfimmi ullup qeqqasiutit kisiisa nerisarisarpaat. Ullullu ilaanni nerisassat atuartunut tamanut naammaneq ajorput. Kaalluni atuaraanni ilikkarniarnermut ajoqutaasarpoq. Atuarfik aamma atuakkanik allattaavinnillu amigaateqarpoq.

Maximilla Turkanamilu meerarpassuit allat ikiorsinnaavasi katersuiniarnissigut. Neriuppugut ikiuussinnaajumaartusi.

HELEVERDENISKOLE.DK/INDSAMLING



KATERSUINIARNEQ PISARIITSOQ

Kenyami meeqqanut pingaaruteqaqisumik iliuuseqarsinnaavusi. Arlalinnik assigiingitsunik siunnersuusiorni-kuuvugut:

NERISITSINEQ NAJOQUTASSANILLU TUNINIAANEQ: Nerisassionermut najoqutassat arlallit sananikuuagut anillatseriarlugit tuninariaannaat.

ISUMASSARSIORITSI: Aamma nammineq suliniuteqarsinnaavusi. Siunnersuutigisagut namminerlu isumassarsiasi akulerussinnaavasi. Nassaarsiorsinnaaneq killeqanngilaq.

Katersuiniariaaseq nutaaq. Nittartakatsinnut atuaqatigiullusi katersuiniarneri ikkussinnaavarsi. Taava katersuiniarnermut atortussanik kit'imik tigusaqassaasi MobilePayitaqarlunilu allanik pisariaqartitassannik peqassaaq. Aamma ilissi atuartullu allat qanoq katersaqartiginersut malinnaavigisinnaavasi.

HELE VERDEN I SKOLE PEQATIGALUGU KATERSUINIARNEQ Kenyami meeqqat ikiorsinnaavasi katersuiniallammangorlusilu. Katersuiniallammaanarpaat marlunnik pokalinnattaassaqsarput. Pokalip aappaa katersinerpaamut aappaalu alutornarnerpaamik periuseqarluni katersuiniartumut. Meeqqat Kenyamiittut ikiorniassavasi atuaqatigiullusi katersiniarnissassinnut alutornartunik isumassarsioniarisi.

510 KR-MUT ATUARTUT 25-T QAAMMAMMUT NERISAQAR-SINNAAPPUT.

TURKANAMUT KATERSASI ATORNEQASSAPPUT UKUNUNNGA:



Atuartunut tamanut ullut tamaasa atuarfimmi nerisassat



Atuakkat, allattaaviit aqerluusallu



Silap pissusaanut iliuusegarniarnermut ilinniartitsisunik ilinniartitseqqinneq



Silap pissusaanut tunngasunik sammisaqatigiit, atuartut silap pissusaata allanggoneranut aaqqiisutaasinnaasunik siunnersuuteqarfigisinnaasaat. Aamma ataatsimiinnernut, politikereit atuartut siunnersuutaannut tusarnaarfigisinnaasaannut.





ALLAKKASI GHANAMI NUANNAAR- TITSIPPUT

Bilengban Sheillalu ukioq kingulleq AtuaRaketimiittut eqqaamavigit? Maanna atuartorpassuarnit titartagartalinnik inuulluaqqussutinillu allagarsisimalerput.

Bilengban taama amerlatigisunik allagarsigami tupaallaqaaq: "Makku allagarpassuit uannukar-tuuppat?" Atuaqatimi atuaqatiginiassammanni aavai. Allagarpassuarnut alutorsaqaat atuaqatimillu atuakkamiinnera nuannareqalugu.



Sheillap allagarsiassarpassuani takugamigit nuannaqaaq. Atuaqataasa nipituumik atuffallugu ikiorpaat. Taama amerlatigisunit allagarsisimammat alutoreqaat. "Allakkasi nuannareqaakka. Tamassinnut qujanarujussuaq," Sheilla oqarpoq.

Sheilla Bilengbanilu allassimasunut titartaasimasunullu qujarujussuarput.



ATUAGASSAT ASSILLU UANIIPPUT
HELEVERDENISKOLE.DK/POST-TIL-SHEILLA-OG-BILENGBAN



SWAHILI

Asasara ... = Mpendwa ...

Hej! ... = Jambo! ...

Ateqarpunga ... = Jina Langu ni ...

8-nik ukioqarpunga = Nina umri wa miaka 8

Inussiarnersumik inuulluarit ...

= Upendo kutoka ...

MAXIMILLA BRIANILU ALLAFFIGISIGIT

Ukioq manna meeqqat Kenyamiut marluk allaffigisinnaavasi. Maximilla Brianilu titartakkanik allakkanilluunniit nassissinnaavasi. Imminut oqaluttuarisinnaavutit soorlu suut nuannarinerlugit. Aamma meeqqat AtuaRaketimiittut pillugit atuarluni qanoq innersoq oqaluttuarisinnaavat. Maximillap Brianillu allakkatit paasiniassammassuk tuluttut swahilitulluunniit allassinnaavutit. Nittartakkami swahilit oqaasii atugassasi nassaarisinnaavasi.

Allakkat Hele Verden i Skolemut nassiutissavasi, tassangaanniit ingerlateqqinneqassapput.

Oxfam Danmark

Vesterbrogade 2B, 2. sal

1620 København V

Att: Hele Verden i Skole

**ALLAKKASI
TIGOREERSIMASSA-
VAGUT ULLOQ
1. JUNI 2024**

HELEVERDENISKOLE.DK/SEND-POST-TIL-KENYA





GIFT

KUUK QORSUUSOQ

 **LINE GØRUP TROLLE**  **HANS BACH**

Giftip pappiara peqititerpaa. Siullermik qeqqatigut. Taava tukimut. Peqititeriitigaluni Grace eqqarsaatigaa. Aleqaamita massakkut suleriva? Immaqa atuariup nerisarfiani issiavoq. Atuagaq marluullutik nuannarinerpaasartik 'Uumasorujummik malersuineq' nassarnikuuaa. Taanna arlaleriarlutik atuarnikuuaat. Gracep atuanggifteqarluni tikinnissaa erininaqaaq. Sorpassuit oqallisigissavaat fjernsynikkullu Ricky Zoom isiginnaarlugu. Pappiaraq timmisartuliani naammassivaa. Sinilluniluunniit timmisartuliorsinnaavoq. Tassa taama amerlatigisut suliarinikuuai.

Gifti 10-nik ukioqarpoq 6. klassiullunilu. Atualiaarnikuuvoq. Atualernissaminut akuerisaagami aleqani atualermat atualeqataarusulluni atualerpoq. Gifti anaananilu Nairobi ilaani Kawangwaremi najugaqarput. Ataatanu eqqaamangilaa. Ataatsimik ukioqartoq angajoqqaani avimmatali takoqqinneqangilaa.

Eqqakkat kuuffii ammannartut kamaattullu

Aqqusineq inoqaaq. Giftip kisimiilluni aqqusnikkoorneq nuannarinngilaa. Eqqaamiuni allami atuarfeqarmata aqquataata ilaannaa ingerlaqatigisarpai. Tusarnikuuaa aqqusiniinnarmi inuit nalusatik unitsittaraat qunusaarlugillu pigisaannik arsaartarlugit.

Inortuinnginniassagami qaninersiorluni atuariarpoq. Qimmit, kukkukuut qingalissuillu nunami nerisassarsiorlut saneqqavai. Ikumatitat eqqagassallu isugutasut tikkaareqaat. Arnat ikumatitami iffiukkaminik mandazinik taaguutilinnik tuniniaapput. Angutit dunkerpassuit imermik imallit oqimaaqisut qamutinnik assakaasulinnik ingerlappaat.



AKULLIIT



Aqqusernup sinaani itersakkut imeq qorsuusoq kuuppoq. "Kuuk qorsuusoq" tassaavoq eqqakkat kuuffiat. Puiaasat, puussiat igitallu imermiipput. Ilaat kuugussaasarput ilaallu sinaanut unittarlutik. Gifti aqqusinermut

aminnerusumut sanguvoq. Tassani eqqakkat kuuffiat qarsullugu pissittariaqarpaa. Arpalersoriarluni pissippoq. Imermut ipertuumut tunnissani annilaangageqaa. Isigaa quasangitsumut tuppoq.

Gifti piffissaqaraangami aqqusinertigoorluni ungasinnerusukkoortarpoq. Taava eqqakkat kuuffiat pissittariaqarneq ajorpaa. Ataasiarluni aqqusineeqqatigut illuaraliarpasuit akornisigut kisimiilluni angerlartortorluni angutit paasut naammattoornikuuai. Nilliapput, aappaalu tillutsikkami uppippoq. Giftip annilaangaqaluni arpalluni saneqquppai. Ulloq taanna assut imminut qunusuigivoq.

Gifti qaninersiorluni atuariaraangami 15 minuti ingerlasarpoq. Aqquataata ilaa kisimiilluni ingerlasarpoq.



Anitsiarfimmi atuartut pinnguartarput. Illuni tungujortuni matut klassimut isertarfiupput.

Atuarfik toqqissisimanartuuvoq

Gifti atuarfissaminut tungujortumut iseriartorpoq. Atuartut tamaasa nalunnigilai. Atuaqatigiit 18-iupput. Kammaginerpaasaa Nicholasimik ateqarpoq. Anitsiarfimmi arsarneq nuannareqaat. Basket-ball, netball aamma isikkamik arsarneq. Aamma kati nuannareqaat. Tassani arsamik eqqortinnaveersaartarput. Eqqortittoq anisarpoq.

Matematikki nuannarinersaavaa. Kisitsisit arlaannillu sananeq ilinniartarpai. Eqimattani suleqatigiiaarnerminni Giftikkut qulimiguulimmik sananikuupput. Taanna colat qillertuusartaannik dvd-illu maskinaata ilaanik sananikuuat. Youtubekkut qanoq iliussanerlutik paasivaat. Gifti aamma ingerlasinnaasumik biiliornikuuvoq. Ilinniartitsisoq nuannarinerpaasaa Josephinemik ateqarpoq. Taanna nerisassiornermik, errorsinermik, nuersaanermik qalequttanillu ikaartiterinermik ilinniartitsisarpoq.

Atuartut ullut tamaasa atuarfimmi eqqiaasarput. Nairobi mili imeq amigaataavoq. Ilaanni atuarfiup anitsiartarfianittoq tankersuaq imermik imaqartarpoq.



Tassani assatik asattarpaat imigassaminnillu imertarfigisarlugu. Tanki imaqqanngikkaangat atuartut namminneq imissaminnik nassartarput. Eqqiaanermullu imissaminnik atuarfiup tunuaniittumut Nairobiip kuanut imertartariaqalertarput.

Christoffer imermik qalusinalermat Giftip ilaasalu tujuuluatigut paarivaat. Imermik ulikkaarmat Giftip tigoriarlugu dunkimut kuivaa. Qattaq oqimaamat sinaanut kuinaveersaarnaqaaq. Atuarfiup natiata asannissaanut atugassap naammalernisaata tungaanut imermik qalusisaqattaarput.

Nunaannarmiit illoqarfissuarmut nuunneq

Ukiut sisamat matuma siorna Gifti anaananilu Nairobi mut nuupput. Siullermik aanamini illoqarfeeqqami Machakosimi najugaqaraluarput. Panernersuaqalermalli anaanaa suliffissaaruppoq. Nerissanut imermullu akissaaleqilerput. Aleqaa suli atuarfimmii najugaqarfiutigisumi Machakosimiippoq.

Giftip ulloq nuuffitsik puorneq ajorpaa. Sivisuumik qilanaarini-kuuaa. Atisatik kisiisa nassarlugit bussinut ilaallutik aallarput. Illumiittut sinneri tamaasa aanaavata pigisarai. Giftip Kawangwaremi najugaqarneq nuannarinersaavaa, tassanimi pinnguaqatissaqartuaannarpoq.



Inissiarsuarmi angerlarsimaffik

Majuartarfeqarfiit allersaat tarrajuppoq natialu masalluni. Gifti qummut isigivoq. Quleriaani tamani errortat kusertut nivingapput. Illut tamaaniittut qaliaqanngillat. Kisianni Gifti anaanaalu inissiami portusuumi najugaqarput. Taanna inissiarsuarmik taasarpaat. Inaat perusersartarfeqarpoq marlunnillu initaqarluni – sinittarfik inilu igaffilik. Gifti nalaasaarfimmii sinittarpoq. Ilaqutariit allarpassuit arfinilikkaarlutik arfineq-pingasukkaarlutilluunniit najugaqatigiittarput.

Gifti majuartarfikkut qummut quleriat sisamaannut arpappoq. Anaanaa nerriveeqqap saani issiavoq nagguaatsuaqqatullu ilusilinnik sapangaaqqanik nuisilluni. Giftip anaanaa igasuuvoq, maannali suliffeqanngilaq. Sapangaaqqanik suliani tuniniartarpei. Neriorsornikuuaa qanoq sanasarnelugit ilitsersuutissallugu.

Angerlaraqangi Giftip nalaasaarfimmii ilinniagassani atuartarpei. Aamma unnuami tassani sinittarpoq. Tv isiginnaartarpaa Dream League lu anaanami mobilianiik spilertarlugu.





Unnukkorsiuatissatik sukuwat pilutat qorsuit, uanitsut tomatillu atorlugit igavaat. Suaasanik akoqartarput. Imeq kuuffimmeersoq uffarnerinnarmut atorneqarsinnaavoq. Taamaammat imeq dunkimiitqoq pisiarisimasartik atorpaat. Anaanami tomatinik agguinerani Giftpi uanitsut siappai. Giftpi peqqissaaqaluni siatsivoq. Sorpassuarnut pikkorrisoorusuppoq.

Pappiaqqanik timmisartuliat timmisartortar-tungornissamillu takorluukkat

Anaanaata Giftpi aqqusinermi pinnguaqquneq ajorpaa. Ulorianar-pallaaqaaq. Inissiar-suup iluani allerpaami ikinngutinilu arsararput. Oqaatsit kamba atorlugit oqaluuttarput. Allarpasuit assigalugit Giftpi swahili aamma tuluit oqaasii atorsinnaavai. Kisianni Kenyami naggueqatigiissuit ilaannut kabanut ilaanini tulluusimarutigisaqaa. Kisianni ajornartorsiutit pillugit oqaloqatigiikkaangamik kamba atorlugit oqalunneq iluarinerusarpaat. Taamaallutik arsaruttortut arlaata arsaq aqqusinermoortorpaa. Eqqakkat kuuannut tuppoq. Arsamik piginnitqoq kamattorujussuavoq. Taava kambat oqaasii atorlugit eqqissillutik oqaluupput kammageeqqilerlutillu.

Giftpi timmisartuaraliami tummeraqarfimmiit avammut tingitippaa. Allerpaami taseqqamut tuppoq. Bravin qummut qiviarpoq ilaalu illarput. Giftpi angisuunngoruni timmisartortartunngorusuppoq. Taava inuit nuannarisaminut tikeraarniartut ingerlattassagaluarpai. Ammut ikinngutini ornippai. Arsalerput.



360°



Giftpi atuaratigisiuk.

FILMIT ASSILLU TAKUSINNAVASI UANI HELEVERDENISKOLE.DK/GIFT





RACHAEL

NUNARSUARMUT ERINARSUUT

 LINE GØRUP TROLLE  HANS BACH

Rachaeli bussini igalaakkut avammut isigiitigaluni naasunut tunngasunik niperujoorpoq. Nairobi aqquuserngi biilerpassuaqarput. Matatut – bussit qalipaatiqissaaqisut, akulloqqullugit motorcykelit ingerlasarput. Matatut ilaata kinguani allassimasoaqarpoq: “Guuti ingerlaqati-gaarput.” Aqquusernup sinaani paarnanik, naatitanik, sapangaqqanik, parnaarsaatnik, atisanik, pequtinik allanillu tuniniaavippasuit amerlaqaat. Takusassat amerlaqaat. Aamma puukut, nerisakut kamippakullu aqquusernup sinaaniipput. Eqqakkat kuuffiat milissimavoq. Illoqarfiup ilaani Rachaelip eqqagarsunni naamasinnaasarpaa.

Rachaeli qulinik ukioqarpoq. Atuartut bussiini ilaasutuaavoq. Bussit unimmata Gloria Preciousilu ikipput. Aqquutaata sinnera niviarsiaqqat nipanginngillat. Bussit uneqattaarput. Akunneq ataaseq sinnerlugu ingerlasarput.

Rachaeli ernumavoq

Aqquusernup sinaani eqqakkat sumi tamaaniittut Rachaelip nuannarinngeqai. Nalunngilaa nunamut ajoqutaasut. Atuarfimmi taalliorsimavoq. Taallap imaraa nunarsuup mingutsitaanera silallu pissusaata allanngornera. Ullumi taalliani saqqummiuttussaavaa. “Ummatima annernareqaa – Nunarsuup uloriarnartorsiornera ...” Ataasiarlugu sungiusaqqippaa. Neriutiga amerlasuut tusarnaarluaassagaanni arlaannillu iliuuseqarlutik. Atuarfimmi meeqqat ilai quersortaqaat. Erngup kuuffimmeersup tarajoqarnera pissutaalluni amerlasuut kigutaat kajortittarput. Tarajoq aamma atuartut atuarfiup eqqaani orpinnut ikkussorsimasaanut ajoqutaavoq. Kisianni allamik imissaqanngillat. Aamma eqqaminni naatitsivigisartakkaminni tamanna takusinnaavaa. Maanna siallernissaa kisiat utaqqivaat.





Rachaelikkut klasselærieriat Salome Ronomik ateqarpoq. Matematikkimi, tuluttut, eqaarsaarnermi qalipaannermilu atuatittarpai.



Atuarfik nutaaq

Utawala atuariuvoq angisooq. Sakkutooqarfiusimasumiikkami kaajallallugu portusuunik ungaloqarpoq. Rachaelip tassani atuarluni ukioq ataasingulerpaa. Atuanngiffeqarneq sioqullugu atuarfimmi namminersortumi atuarsimavoq. Akisoqaarli. Atuarfimmi nutaami atualernissaminut pingasoriarluni allattariarsorluni misilitsippoq ataasiarlunilu oqaloqatiginnilluni. Qujanartumik angusisimavoq.

Ulloq siulleg puirneq ajorpaa. Aanaata atuarfiliaappaa. Biilini aqputaa tamaat Rachaeli nipaappoq. Atuarfiup anitsiartarfianut appakaakkamik pissangaqaaq. Niviarsiararpaaluit qungujulallutik tikilluaqqaat. Klassit ateqarput avannaa, kujataa, kangia kitaalu. Avannaa 4-mukaappaat. Atuaqatigiinni nr. 66-iuvoq. Ikinngutitaartupallappoq. Ullorlu taanna atuarfik nuannarilerpaa. Matematikki nuannarinersaavaa. Kisitsineq ilikkaruminartitaraa ilikkagaqarnerlu nuannarisuullugu. Salome Rono matematikkertitsigaangat illartarlutillu pinnguaatinik erinarsortaramik nuannarisagaat.

Ullaap tungaa anitsiarfimmi Sumeya allallu ilagalugit nerisarfiliarpur. Nerisarfimmi iffiat kilitat marluk tiilu immulik sukkulillu pivaat. Nerrivinni takisuuni atuartorparujussuit sanileriaallutik issiapput. Tii tunguarnippoq uunarlanilu. Rachaelip ilani oqaloqatigiitgalugit tiissani nilluuminiassamat tiitorfiup aappaaniit aappaanut kuisaqattaarpaa.



Anitsiaraangamik atuarfiup tunuani pinnguartarput. Ungassisumi eqqakkat ikuallanneqartut pujuat takuneqarsinnaavoq. Iloqqasunngorlutik nikorfapput. Qeqqani Rachaeli suaarpoq "nyama nyama." Isumaqarpoq "neqi neqi." Taava uumasut arlaat taavaa. Uumasooq nerineqarsinnaappat pinnguaqatai pississapput. Uumasooq nerineqarsinnaanngitsoq taaneqarpat pissittoqaraangat illaatigisarpat.



Rachaeli angerlarsimaffimmini pinnguanissamat piffissaqarparneq ajorpoq. Anitsiarfimmi pississaarneq, erinarsuutit pinnguaatit basketballernerlu nuannarisarpai.





Naatsiiviat qarmamik ungaloqarpoq. Rachaelip naasut uumasullu paarinissai nuannareqaa.

Isaarissap qorsuusup iluani

Angajoqqaani avimmatali Rachaeli anaananilu aanakkumi illuata tunuani isaarissap qorsuusup tunuani najugaqalerput. Illumi ikiortaata Regina aamma tassani najugaqarpoq. Eqqiaasarpoq torersaasarlunilu. Rachaelip mamarinerpaasaanik chapatiliullaqqissorujussuuvoq. Rachaelip siniffini ininilu nammineq torersaattarpari.


Guka cuculu, kikuyutut aataa aanaalu, naatsiivilereqatigalugit nuannareqaa. Illup qarmallu akunneranni kãlit, græskarit, spinatit gulerøddellu naatittarpari. Kisianni suli ikkussuinngillat. Siallersarnerata nala takkutareersimasussaagaluartoq suli utaqqivaat. Rachaelip orpik citroneqartartoq toqunnginniassamat imerterpaa. Manninnik aallerpoq kukkukuullu nerlerlugit. Pukutsinna-veersaarluni nerlersorpari. Marlunnik aamma qitsuuteqarput qimmeqarlutillu Simbamik atilik. Simba swahilitut isumaqarpoq liiveq. Nunalerineq uumasulerinerlu nuannareqai. Aamma Nunarsuaq tamaat paarerusukkaluarpari.

Taartumi erinarsuutit

Racheali atuarfimmiit kingusissukkut angerlamut apuukkaangami ilaanni atuartut uniformii peeqqaarnagit ilinniagassani suliarisarpai. Taava unnukkorsiutinik nereriarluni sinngusilertarpoq. Unnuit ilaanni aanaami errueqatiginissaanut piffissaqartarpoq. Marluinnaallutik igaffimmiittarnertik iluarisaqaa. Ilaanni aamma innartinnani aananilu tarrup ataani kikuyutut erinarsortarput.



Rachaelip arnaa Nairobiq qeqqani eqqartuussissulerisuuvoq. Tassani inuit allat ikiortarpari. Ullaaralaamiit unnussuarmut sulisarpoq. Ullaakkut iteraangamik takusarput sapaammilu marluusuaannarlutik. Arfininngornikkut arnaa chamariartarpoq. Chamami anaanarpassuit oqaloqatigiittarput ikioqatigiittarlutillu. Taamaalluni ataaseq aningaasanik amigateqarmat ikiorlugu katersuiniussimavaat.



Rachaeli atuarfimmiit angerlaraangami isaarissamat kasuttortarpoq ammaanneqartarlunilu.



Rachaelip aataa Obdiamik, arnaa Susanimik aanaalu Reginamik ateqarput.

Sapaammi ilaqtariit naalagiarput. Rachaelip tussuutit nipilersoriaaserlu gospel nuannareqai, oqaluffik timilu nipinik nuannersunik immersortarmassuk. Naalagiareeraangamik anaananilu TV isiginnaartarpaat. Miraculous nuannernerpaasarpoq, tassani Ladybugip Catillu nunarsuaq annaattarpaat.

Flowers

Rachaelip angajoqqaani ukiut sisamat siorna avimmatali ataatanu takusimangilaa. Taamani aliasoqaaq. Ataatanili eqqarsaatigivallaarunnaariartorpaa. Ullut ilaanni aliasuleraangami erinarsorneq iluaqutigisarpaa. Timaa oqilisutut ittarpoq. Anaanaata Rachaelip ajunngitsumik ingerlanera qiimmaqinneralu tulluusimaarutigisaqai. Rachaeli erinarsortartunngorusuppoq.

Massakkt erinarsuut nuannerinerpaasaa Miley Cyrusip erinarsugaraa "Flowers". Atuarfimmii ikinngutinilu erinarsortarpaat. Rachaelip erinarsuut imminnut upperinissamik imaqarmat nuannaraa. Nammineq erinarsuusiortalerusuppoq taallai Nunarsuup paarilluarneqarnissaanut ikioqatigiinnissamillu imallit.

QR code and a person icon inside an orange circle.

Rachaeli nerisarfimmi anitsiarnerani ilagisiuk.



FILMIT ASSILLU TAKUSIGIT UANI HELEVERDENISKOLE.DK/RACHAEL 





INUUP IKINNGUTIGINERPAASAA

📖 🎭 ADAM O.

Ukiarpoq. Pilutat nakkaasut siullit nukappiaqqap qimmillu eqqaani teqqalapput. Daavip mobiilini sikingalluni nakkukkaa Jacki pituutani kalillugu ingerlavoq.

Jacki aqqusernup sinaanukaqattaarlunilu nunami assaasaqattaartaraluarluni taamaangilaq. Daavi qanilliivillugu ingerlaqatigaa, qarlii kuniorpai qummullu isiminik kajortunik nakkullugu.

“Arlaannik oqarusukkaluarpit?” Daavi aperaaq. Jack qiluppoq. “Suna?”

Sivitsortumik iluamik oqaloqatigiinnikuunngillat. Aamma Daavip Jacki paasiuminaatsittalernikuuaa.

Jack iggiarissarpoq: “Aap, oqaasissaqarpunga.”
Daavip mobiilini kaasarfimiuliuppa.

Jackip sorlui aalapput: “Uumasut inatsisartui pillugit oqaluttuukkusuppakkit.”

“Uumasut sui?”

“Inatsisartui,” Jack akivoq. “Piffissaagallartillugu oqaluttuukku-suppakkit.”

“Inatsisartut? Soorlu inuit Inatsisartui?”

“Taamatuusaq,” Jack akivoq. “Ukiumut ataasiarlutik nunarsuarmi uumasut naapittarput. Uumasogatigiit tamarmik oqaaseqartussaminnik ataatsimik aallartitaqartarput. Uumasut tamarmik ilaatitaqartarput – arfernit anginerpaaniit isugutammiuaqqamut mikinerpaamut.”

“Sunaagami isugutammiuaraq?” Daavi aperaaq.

“Uumasut mikinerpaat ilaat, inuit suli nassaarineqanngisaat.

Uumasut amerlasuut suli nassaarineqanngilasi. Kisianni tassa uumasut tamarmik aallartitaqarlutik ukiumut ataasiarlutik naapeqatigiittarput.”

“Illit kina aallartitarisarpik?” Daavi aperaaq.

“Qimmit anginerit ilaat newfoundlændereq Nana. Utoqqaanersaavoq silatunersaraarpullu.”

“Naapinnikuuviuk?”

“Soorunami. Qimmiaraagallaramali ukiut tamaasa alakkartarpaanga. Qimmit tamaasa alakkartarpai.”

“Ulapittarsimassaqaq.”

“Qimmeq nalinginnaasuunngilaq.”

“Uumasummi taava suna oqallisigisarpaat?” Daavi aperaaq.”

“Nunarsuarmi inissisimaffipput. Aamma inuit inissisimaffiat.”

“Oqallisigisarpaatigut?”

“Oqallisigisassani immikkoortuni pingaernerpaasarpusi.”

“Qanoq oqallisigisaramitigut?” Jack oqaaseqaqqinngilaq.

“Qaa, oqarniarit,” Daavi oqarpoq. “Suna oqallisigisarpaat?”

Jack qummut qiviarpoq nukappiararlu toqqarlugu isaasigut isigalugu. “Aalajangertarpaat ilissi nunarsuarmiinnersi tamaanga killeqassanersoq.”

Daavi uneriasaarpoq. “Qanoq-aa?”

“Qanoq oqarnersunga tusaavat.”

“Kisiannimi uumasut qanoq iliorlutik taamaaliornissaq isumagisinnaagamikku?”

“Torullit itersarnerisigut.”

“Torullit?”

“Aap.”

“Torulleqarami?”

“Aap.”

“Sumi?” Daavi aperaaq.

“Nunap iluani ilorpasissumi sinipput,” Jack oqarpoq. “Aamma qaqqat iluini ilorpasissuni. Qaqqat ilaat torulliupput, tassa taama angitigaat. Itertinneqarpata nunarsuaq inuerutissaaq. Nunarsuarsi sequmissavaat.”

“Ila taamaaliorsinnaanngillat,” Daavi oqarpoq. “Ilumut, taamaaliorsinnaapput,” Jack oqaatigaluni niaqquni aalatingaaramiuk siutini takisuut erfatsippai.

“Kisiannimi uagut sakkutooqarpugut,” Daavi oqarpoq. “Aamma timmisartut sorsuutit. Allaammi atomimik qaartartut.”

“Tamakku torullinik unitsitsisinnaanngillat,” Jack oqarpoq.



“Unitsissinnaangvippaat.”

“Kisiannimi sooq? Sooruna itersarnissaat oqallisigaasigit?”

Jack anersaaruluppoq. “Nanap pulaaraangaminga ilaanni uumasut allat oqaluttuarisimasaannik oqaluttuuttarpaanga. Tamakku inatsisartuni oqaluttuarisartagaat.”

“Oqaluttuat suut?”

“Oqaluttuat nuanninngitsut. Soorlu maskinarujussuit nipilioqalutik orpippassuit piaatigalugit ingerlarsortut. Pujoq toqunartulik tunisassioferujussuit pujoorfiiniit aniasoq. Immat naqqi uumassuseqanngitsut.” Jackip nipaa allanngoriartorpoq qatimaajusattutut nipeqalerluni. “Toqoraaverujussuit puulukit nillianerannit akisuasut.”

Daavip assani nipangersaalluni aalatippai. “Paasivakkit, oqaaseqaqqittariaqanngilatit.”

“Qujanassusia,” Jack oqarpoq. “Qujanaqaaq paasinnikkavit.”

“Taava tassa ukiut tamaasa naapittarput,” Daavi oqarpoq. “Taava kiap aalajangissavaa torullit itersarneqassanersut?”

“Aallartitatta tamanna taasissutigissavaat.”

“Ukioq manna aamma taasissappat?”

“Ukiut tamaasa taasisarput,” Jack oqarpoq. “Kisianni uumasut tamaavimmik isumaqatigiippata torullit itersarneqarnaviangillat. Suli maannamut isumaqataangitsoqarnikuunngilaq.”

“Kina isumaqataanani taasiniarami?” Daavi aperivoq.

Jackip nakkutiitigalugu akivaa. “Nana.”

Daavi qiiaammerpoq. “Nana kisimi?”

“Taamaattuannanngikkaluarpoq,” Jack oqarpoq. “Siullermik amerlanerussuteqarluartunit illersorneqaraluarpusi, qanittormi tikillugu niisarnat, timmiaaranguit tungujortut sissinnguillu aappaluttut illersortigigaluarpasi.”

“Kisianni maanna qimmit kisiimilernikuuuppat?”

“Aap.”

Daavi unissimavoq. “Kisiannimi sooq akerliulluni taasisoqassava?”

Anorip piluttat teqqalatippai Jackillu meqqui aalatillugit.

“Pissutigalugu meeraatillusi qimmiaqqatut misigisinnaasarassi.

Pissutigalugu mikitillusi Nunarsuup tikka ilissinni naasinnaasaratsigu.”

“Nunarsuaq uatsinni naaneqarsinnaava?”



“Nunarsuaq,” Jack oqarpoq. “Uagut Nunarput manna.” Qinngani ivikkanut morsutsiivillugu kuniuvoq. Isai sequnngingajaqqapput. Taava Daavi qummut qiviaqqippaa. “Kisianni inersimasunngoraangassi allanngartarpoq, amerlanersassinnit Nunarsuup tikka peeruttarpoq.”

“Uumasummi allat mikitilluta uatsinnik takunnittartut,” Daavi aperivoq. “Kanariefuglit? Qitsuit?”

“Timmiaaqqat inaanniit isigisat allarujuusuusarput,” Jack oqarpoq. “Aamma qitsuit taasiumaneq ajorput taamaattuaannarnikuullutillu.”

“Sooruna tamakkua massakkut uannut oqaluttuarigitit?” Daavi aperaaq. “Vuf!” Jack akivoq.

“Suna?”

Jack iggiarissarpoq nassuiaaqqillunilu: “Pissutigalugu Nana oqarami inuit Nunarsuup tikkanik suli peqartut ikiliartuinnartut. Oqarpoq inuit taamaattut ikiliartuinnarnerat ingerlaannarpat uumasunut allat isumaqatiginagit taasisinnaanaviarnani.”

Jackip qinngaminik isugutasumik Daavip assai attoqillappai. “Nerioqaanga illit Nunasunninnerit katanngisaannassasoq, taama Nanamut oqarusogaanga. Kisianni tipit sakkukiliartorpoq. Aamma oqaatsikka ilaanni paasisarunnaarnikuuatit.”

Daavip mobilini kaasarfimmiiittoq passupaa aperalunilu: “Torullit maanna sinippata taava qanoq itertinneqassappat?”

“Teriaaqqat kisimik nalunngilaat torulleq qanoq itertinneqarsinnaanersoq. Piffissaq takkuppaa itersarnissaat taakku suliassaraat,” Jack oqarpoq. “Piffissaq taanna takkutissappat.”

“Taavami teriaaqqat tamaasa pisariinnarsinnaanngilagut?” Daavi aperaaq. Jackip pakatsisimalluni isigaa. “Allatut nipeqarlutit oqalupputit.”

Nipeqaratik ingerlaqqipput.

Unnuaq taanna Daavi torullinik sinnattorpoq. Immap itersoor-suartaanit puttussuupput umiarsuit umiunikut nutsaminnut ilarussimasut nassataralugit. Inoqajuitsup sioraanit puttussuupput. Innermik anitsarfinnit paarmorlutik nuiapput. Qaqqarsuit innaat torullinngorput qatigalerujussuit issuttoraangatalu ujaqqat nakkaasarput. Issittup torullii Siberiap orpiinik tunuminni kapinartullit nikussaarpup kujammullu aallarlutik. Taakku isaanni Daavip inuit illoqarfiini qullit tarraat takusinnaavai, ipiaangusutut nillialluni iterpoq.



Unnuap tullia torullinik sinnattoqqippog. Tamatumuunali piviusorpalaannginnerupput ersinannginnerullutillu. Sapiitsuliortartoq aamma sinnattuani ilaavoq: Sapiitsuliortartoq torullit qanoq akiorneqarnissaannik nalunnginnittoq.

Unnuit pingajussaani isikkamik arsarluni nunarsuarmi pissartanngorniunneq sinnattoraa, kingornalu Zoep 9. klassimiittup kunikkaani. Qungujulalluni iterpoq.

Daavip Jack pisuttuaqatigiuaannarpaa. Piffissalli ingerlanerani Jackip oqaasii paasisinnaajunnaariartuinnarpai. Oqaasii qilunnertut miaggoornertullu taamaallat tusaasinnaalerpai.

Ilaanni eqqarsartarpoq qimmini oqaloqatigisimangisaannarlugu, isumaqarluni pinnguarluni oqaloqatigisuusaartarsimallugu.

Jackip isai qaserujutsissimapput kigaallinikuullunilu. Daavi allisimavoq qatittorsimallunilu.

Suli piffissaqaraangami Jacki aneeruttarpaa. Ilaanni Jackip qarlisigut kuniortarpaa, qaqutigullu allaaneq ajorpoq arlaanik naamasaminik ilisarisaqangajattartoq: sunaanerpoq puiungajassimasani. Taava unittarpoq qummullu isumalluarpasilluni nukappiaraq saniminiittoq isigisarlugu.

Taamatut uninngallutik, nukappiaraq qimmerlu, imminnut nakkuttarput. Daavili naammagittarunnaartarpoq qilerutaatigullu nusuulertarlugu.

“Jacki, qaa! Taama nunarsuarmi maani piffissara sivisutiginngilaq.”





BRIAN

IMAQ NALUNNGEQARPUP

LINE GØRUP TROLLE HANS BACH

Isigammaatik atorlugit avalapput. Brian Frankip tununnguani sioqqani tumai atuarlugit ingerlavoq. Tummagassaq unioraanni pinsvinit imarmiut kapinartuinut sukkittoqarsinnaavoq. Brian angajualu itinerulaartumukassapput. Kisianni mallit qaarfigisartagaat tikivissanngilaat. Isarussat aqqassutit ativaat. Briannip naalikkami tasisuasortaa sukappaa. Nuua ammut saatippaa. Taava immamut nillataartumut aqqarpoq. Iluarpoq imarlu ersarippoq. Immap naqqa attoraangagu sioqqat ujaraaqqallu qangattartarput. Aalisagaq aappaluttunik allalik qaarsup sinaaniittoq takuaa. Umerluariarluni naakkjarpoq eqqorlugulu.

Ulittarnera tinittarneralu

Brian 12-inik ukioqarpoq. Kenyap sineriaani ilaqtanilu najugaqarput. Atuarnermut akissaarukkaangamik Brian Frankilu aalisalertarput. Ullup qiterornerani pisullutik sissamukartarput. Seqinnarittaqaq kiallunilu. Namminneq naalikkatik sananikuuaat. Sissami Brian nipeqarani avammut isigivoq. Immap qanoq aalanera maluginiarsaraa. Tininnganerani aalisakkat takusinnaasarpaat pindsvinillu tummartoornaveersaartarlugit. Frankip ilinniartinnikummani imaq nalunngilluarppaa.

Frank Brianilu aalisagartamik naammatsinnissaata tungaanut imarmiittarput. Imaluunniit ulinnissaata tungaanut. Sissamut qaqigamik atisaat kuuttuinnaapput anoraalu nillertutut misinnarluni. Ullumikkut naammattunik pisaqarput. Tunisassaqaqarput namminnerlu nerisassaqaqlutik.





Briannip tasisuasoq sukallugu naalikkani piareertarpa.

Aalisakkat qaqutigoortut

Briannip ataataa amerlanertigut angallammik angisuumik aalisartarpoq. Aalisartut allat ilagalugit ikkannersaq qaangerlugu ilaannilu Somaliap sineriaa tikillugu aalisariartarput. Aalisakkat qaqutigoortut inuit aalisagaaraasivimminni pigisartagaat pisinariartarpaat. Briannip angutaata qalumik pisisarpai puussiamullu imilimmut ikillugit nassartarlugit. Amerlasuunik pisaqarsimagaangat atuarfimmum akissaqalertarput.

Briannip angutaa oqaluttuarpoq imaq allannornikuusoq. Ukiut qulit matuma siornarniit aalisakkat ikinnerulersimapput. Peqatigisaanik aalisartut amerlanerulersimapput aalisakkallu akii apparsimallutik. Taamaalilluni nerisassanut, meeqqat atuarnerannut atuartullu uniformiinut akissaq ajornarnerulersimalluni. Taamaammat Brian angajunilu ikiuullutik aalisartariaqartarput naak angutaata atuaannarissaat kissaatiginerugaluaraa.

Atuarfimmum aqputaa takisooq

Briannip nammineq toqqarnikuuaa Atuarfik Kikambala atuarfigissallugu. Taanna angajuata atuarfianiit ungasinnerusumi ippoq. Brian tassani ikinnguteqarpoq. Taakkulu oqaluttuarsimapput tassani ilinniartitsisorissaartut. Briannip Erik Samuelilu issiaveqatigai. "Iterluarnaat 5.a," Mohammed klasselærieriat oqarpoq. Atuartut nikuippat akillutillu: "Iterluarnaat Hr. Kibwana." Tiimi siulleq swahilirput. 5. a-mi nukappiaqqat 42-pput nivarsiaqqallu 24-ullutik, ullumikkulli atuartut 60-iinnaapput. Sinneri angerlarsimapput. Atuarnermut akiliisimangitsut akiliutissanik aallertillugit angerlartitaasarput. Imaluunniit angajoqqaat aggertarput atuarfiup pisortaa oqaloqatigartorlugu.

Briannip timmiaaraq nipituumik qarlortoq tusaasinnaavaa. Igalaakkut silammum qiviarpoq. Anitsiartarfimmi nukappiaqqat marluk assatik errorpaat. Igalaakkut anorsaannuup suialaarnera iluaqaaq. Inigisaat tarrajuttoq sulii kiatsippallaanngilaq. Qulualerami naani ilummoorpai. Ullaap tungaa kinertitartorput, kisianni atuarfimmi ullup qeqqasiussaarnikuupput. Atuartut amerlasuut angerlartutik neriarpartarput. Briannimulli ungasippallaqaaq. Ualikutt



Brian nal. 6:30-miit 15:30-mut atuartarpoq.



nerinissani utaqqiinnartarppaa. Brian sikkileqarusukkaluarpoq atuarfimmuq aqqutaa sivikinaarnerusarniassagamiuk.

Anitsiarfimmi gololirtarput. Briannip maakkariarnissaminut qiterlini piareepaa sequnngingajallunilu umerluni. Assani kisiisa eqqarsaatigai. Periarpoq. Kugleeraq qangattarpoq. Kugleeraq qaqqortoq eqqorpaa. Ali anivoq. Briannip pissanganini malugisinnaavaa. Periaqqippoq. Tamatumuuna Eriup kugleeraa eqqoriarppaa. Tamakkerusukkaluarpai. Illartaqalutik unammippuq.

Maweni – illoqarfik qaarsuusoq ujaraasorlu

Briannip ilaqutai amerlanerit Mawenimi najugaqarput. Aataava tassani inunngorsimavoq. Illut ujaqqanik sanaajupput. Ujaqqat sumi tamaani sioqqanit nuisasut imarmi koralinut assingupput.



Briannip angutaa Hakikamik ateqarpoq arnaa Julia. Qatanngutai ateqarput Michael, Patience, Marion aamma Chris.

Ataataata Brian qatanngutaalu ullaakkut nal. 5 itersartarpai.



Briannikut silatiminni imermut kuuffeqarput. Ajortinnikummat dunkit atorlugit imertartarput.



Akkakkutik sanilerigamikku taakku kuuffiannut imertarpoq. Taava Frankilu aalisagartatik salippai. Tattai savimmik piirpai erlaviiarlugillu. Erlavikui qeertuutiminnut nerisippai. Brian qisuttariarluni eqqaminni peqqissaarluni iliorarpai. Killutigut aalisakkat iluitsuutillugit siappai. Mamaqaat.

Illumi sanilianni Briannip aanaava najugaqarpoq. Briannilu illup qarmaanut iigarlutik issiaaraangamik naggueqatigiit mijikendat pillugit oqaluttuurtarpoq. Qanoq makuti-liortoqartarnersoq ilinniartilerppaa. Palmip pilutaa panertinneqartarpoq, qisuminermut amitsukujuumut immullugu mersuuteriarlugu illup qaavatut atorneqartussa. "Ilisimasaqarneq pisuussutaavoq," oqarpoq. "Atuarneq pitsaa-suuvoq, kisianni aamma assaat atorlugit makutiliorsinnaaneq pitsaaqaaq." Aanaavata mijikendat oqaasiinik ilinniartikkaangamiuk oqariartaatsit amerlasuut atortarpai. Brian tusarnaarluni siviisuumik issiasinnaasarpooq.

Meeqqat illoqarfeeqqap eqqaani narsaamanermi arsaleraangata piumasut ilaasarput.



Isertillugu, isertillugu!

Francis, Tom Briannillu nipilersuut nippappaat. Afrikamiut nipilersoriaasaat tusaaneqarsinnaavoq. Qititassaminnik sungiusarnikuupput. Ataatsikkuffaarik aalariarnissaq ajornarnersaasarpoq. Iluatsinnerit tamaasa illartarput. Brian qitikkaangami kiffaanggissuseqartutut misigisarpoq.

Seqernup tarrinnginnerani Brian ikinngutinilu arsarput. Ungallut qallorlutik qarsullugit narsaamanermukarput. Arsarneq aallartereersimavoq. "Aanaat kakkangaarami alussaammuk ikilluni timmisarpoq," Brian Tommimut suaarpoq, Tom illalerpoq. Qangali arnaquassaaq qaammatisuarmi timmisartoq pillugu oqariartaaseq taama nipeqarpoq. Brian aamma illarpoq. Arsarli Briannimoorneqarpoq. "Hivyo hivyo kafunge," Francis suaarpoq. "Isertillugu, isertillugu!" Briannip arsaq málinit, qisunnik allunaasamillu sanaanut, iserteriarpa. Isermat nuannaqaluni pisserrujussuarpoq.

Briannip arfininngornermi Manchester Citykkut unamminissaat tv-kkut aallakaatinneqartussa qilanaareqaa. Nr. 9 nuannarinerpaasani Erling Haaland malinnaavigeqqissaartarpa. Neriuppoq isertitsissasoq. Ataatanilu arsaattut isiginnaarniarpaat. Tamatuma kingorna ataataa arsalerpat Brian arsaattarfiliasaaq illersuiartorluni.



360°

Brian Mawenimut alakkarsiuk.

FILMIT ASSILLU TAKUSINNAVASI UANI
HELEVERDENISKOLE.DK/BRIAN





GLADYS

PANERNERSUAQ

LINE GØRUP TROLLE **HANS BACH**

“Sanaipei...?” Gladysip anaanami sallaatsumik isussuppallunna tusaasinnaavaa. Sanaipei masai-tut aterraa. Aanaminut atsiussaavoq. Amerlanerit Gladysimik taasaraat anaanaata Sanaipeimik taasarpaa. Uippoq. Suli taarpoq. Tallimangormat makiffissanngorpoq. Innaallagiaqannginnamik qulleqanngillat. Anaanaa mobileqarpoq qaammartartulimmik. Gladys illup iluani killuut ikippai tiiliorlunilu. Savaasaatertik piaraqarmat immoqarlunilu immummik ullaakkorsiorput. Namangami aanaakuini panernersuaqarmat savaasaataat paarivaat.

Gladys 12-inik ukioqarpoq. Angajoqqaani qatanngutinilu sisamat illoqarfeeqqami Wardimi najugaqatigai. Aamma angajoqarpoq atuarfigisamini najugaqartumik. Gladys masaiuvoq masaijitullu oqaluttarluni. Aamma amerlanerit assigalugit tuluttut swahilitullu oqaluttarpoq.



Uumasutigit inuussutiginiuuagut

Sialussuariaasaarsinnaanera liivillu eqqaasannngikkaanni Gladys ersigisaqanngilaq. Sialussuariaasaarpammi illuat immassaaq. Gladys anaanani qatanngutinilu nukarliit illuminni masaijitoortumi tutillutik sinittarput. Illuat taaguuteqarpoq manyatta. Masaijit pisarnerattut anaanaata nammineq sanasimavaa. Pilutat issusuit nersussuillu anaat atorlugit sanaajupput. Anat marullummut assingupput pilutanit nipputitsissutigalugit pitsaanerullutik. Ikkat unnuami nillermut illersuutigaat ullukkullu kiappallaalinnnginnissaanut. Ataataa anialu illumi sanilianni sinittarput.

Sivisuumik siallersimannngilaq. Siallilituaraangat siallerujussuar-sinnaasarpog. Ataasiarluni siallingaarmat illup ilua siniffiit tikillugit immappog.

Gladysip anaanaata illut sanagamigit imeq annertoog atortariaqarsimavaa anat iigassat qitulisariarlugit ilusilersorsinnaaniassagamigit.



Gladysip anaanaa ateqarpoq Faith, ania Rimone, ataataa Samuel. Nukai ateqarput Sopiato, Talash aamma Salash.

Panernersuaq ukiut pingasut atuussimalerpoq. Siullermik ukiumut marloriarluni siallersarnera takkuttarpoq: "sialuk sivisoq" taavalu "siallipilorneq sivikitsog."

Maannali qaqugu siallissanersog imaluunniit siallingitsuuissanersog naatsorsorneqarsinnaaneq ajorpoq. Taava uumasut nerisassaaruttarput. Ilaqutariit savaateqarnikuugaluarput, kisianni panernersuaqalerat Gladysip arnaata tunisariaqarsimavai.

Naggueqatigiit masaijit ukiut hunnorujulikkaat ingerlaneranni uumasutit inuussutigisimavaat. Angutit nersussuit qatigattuullu paarisarsimavaat. Arnat savaasat savallu illumilu suliassat tamaasa isumagisarsimavaat. Taamatut suliassat agguartarsimavaat. Kisianni maanna allanngoriartulersimavoq. Gladysip arnaa oqarpoq uumasut inuussutiginissaat nalorninartoqaqisoq. Nunalerineq ilinniarlugu aallartissimavoq.



Margreth, Gladys, Elisabeth Jacklinelu tuluttut atuagaq sisamaakkaat.



Atuarfimmil orpinnik ikkussuisarpugut

Gladysip inussani seqqortitigalugit nappaavoq. Tuluttut ilinniartitsisuata Elisabethip atuaqatigiit aperivai allatami oqaaseq tulluuttoq suunersoq. Gladysip akissutissaa nalunngilaa. Taamaattuaannarpormi. Tuluttoorneq nuannarinerpaasaraa. Atuarfik Paranaemi 5. klassimi atuartuuvoq. Atuaqatigiit 13-iusut tuluttut atuakkat tallimat pigivaat. Gladys, Margreth, Elisabeth Jacklinellu atuagaq sisamaattarpaat. Atuartitsinermi ilikkagaqarniaannaavittarpoq. Pilersaarutigami tuluit oqaasiini ilisimatuu ngorniarluni. Inersimasunngoruni pikkorissunngorusuppoq Nairobi milu universitetimi ilinniartitsisunngorluni.

Init atuartitsiviit tunuanni atuarsiup igaffia ippoq. Tassani inersimasut marluk nerisassiarput. Anitsiartarfimmi savimineq atuartut arlaata nipiliortikkaangagu ullup qeqqanut anitsiartarput. Gladysip puugutaq

errortorpa tunuleriiaanullu ilanngulluni. Ilinniartitsisup githerit puugutaanut kuivai. Niviarsiaqqat orpissuup ataani alanngormut ingipput. Gladysip bønnet majsillu uunnikut assaminik nerivai. Nerinerminni savaasat saneqqasut nersussuillu ujami siarnit tusaasinnaavaat. Nerereeramik qaarsillannertik iluarisimaarpaat. Gladys pinnguarusulerpoq.

Gladys Margrethilu orpimmik ikkussinikuupput. Qaammataluit matuma siona angut Kajiadomit tikittoq oqaluttuarpoq orpiit pingaaruteqartuusut. Siallerujussuareeraangat orpiit sorlaasa nunamut najumminerat nunap kuugussaanginnissaanut iluaqutaasarpog. Atuartut tamarmik atuarsiup tunuani nunami assaapput orpinnillu ikkussillutik. Orpiit kaajallallugit avalequtit kapinartullit kappussuuppaat. Taakku taaneqartarput "ngonja kidigo." Isumaqartoq "utaqqilaalaarit," avalequtit atisanut naatittarnerat pissutigalugu. Atuartut uniformit putunnginniassammata sinaatigooraanni sissueqqissaartariaqarpoq. Kapinartortaasa aamma orpiit uumasunit nerineqatsaalisarpaat. Gladysip Margrethillu orpiutertik ullut tamaasa imertertarpaat. Ukiut arfinillit qaangiuppata orpik atuarfimmiit portunerulersimassaaq aappaluttunik sikkerneqarluni atuartullu alanngisimatissinnaalissallugit.



Margrethip Gladysillu orpiutertik ullaakkut ualikkullu imertertarpaat.




Taarsigaangat uumasut angerlartarput

Gladysikkut silataat aamma avalequtininik kapinartulinnik ungalusimavoq. Qaleriiaarpassuit illut marluk kaajlassimavaat. Kapinartortaasa nersussuit, tuttuaqqat iliversiuullu isitsaaliortarpaat. Ilaqutariinnut uomasuutaannullu illersuutaapput. Ulloq naallugu aanaata savaasaatai nerinialuttarput. Seqineq tarrikkaangat namminneq angerlartarput. Gladysip aqqaluaatalu ungalut iluinut isertittarpaat. Avalequtit kapinartullit ungaloralugit unnuaq ernumanartoqarneq ajorpoq.

Gladysip aanami angerlannginerani isumagisassani suliarisarpai. Illup ilua silataalu sanertarpai. Kingorna savissualertuni ungalut silataannukartarpoq. Orpigaalunni kapinartut avalequtillu savissuarmik killortarpai. Avalequtit nammakkiuteriarlugit utertarpoq killullu ikinnissaannut piareertarlugit.

Atuarneranni anaanaa puilasuliamut imertareersimasarpoq. Imeq tarajornilaartuuvoq. Taannatuaavoli imeq eqqiluitsoq pissarsiarisinnaasaat. Gladys erruivoq. Neriuppoq anaanani ullumikkut suliffissarsisimassasoq unnukkut nerisassaqaarniassagamik. Ilaanni arnaata ilaqutariit allat errorsissuttarpai. Ullut allat ungasissumut pisuttariaqartarpoq suliassarsiorluni. Taarsiliivippoq nillertumillu anorlerluni. Arnaa nerisassanik nassarluni tikiuppoq. Illumi killut kialaartitsippot pujorsunnitsitsillutillu. Gladysip naatsiat aggorpai suaasanullu akulerullugit igamut ikillugit. Ullumikkut tamarmik nerisassaqaarput. Iganerminni arnaata masaijit erinarsuutitoqaannik ilinniartippaa, erinarsuut nunamut naggorissumut tunngasoq.



96



Seqinermi nukissiuut atorlugu imeq tanker-suarnut pumperneqartarpoq. Taakkunaniit imeq slangitigoortillugu kusertillugu imerterutigin eqartarpoq. Arnat uanitsunik majsinillu ikkussuereernikuupput. Maanna meloninik ikkussuisimapput.

Imerterisarneq saviminernillu saattunik illuliat

Illoqarfeeqqami arnarpasuit peqatigalugit Gladysip arnaata narsateqarneq – shambamik taaneqartarpoq ilinniartarparpaat. Imermut slangit takisuut imeq annikitsaq atorlugu kuserusaartarput atorlugit naatit naatinneqartarput. Gladysip arnaata ikkussuineq katersinerlu ilikkarunigit angisuunik narsaasiorniartarpoq maanna illumik toqqavigisaanni. Siallersarnera takkuppaa majsit, bønnet, naatsiat kuloruujullu ikkussorniartarparpai. Taava nutaamik illutaassapput. Illu savimernit saattut atorlugit sanallugu aallartareersimavaa. Suli panernersuaqalinngitsoq sanallugu aallartissimavaa. Sananissaanut sivisuunik katerseqqaartariaqarpoq. Suli iigassaasa ilaanut akissaqalinngilaq. Naammassinissaa Gladysip erinigeqaa.

Gladysip narsaatineeqataaneq nuannarisaaqaa. Nammineq aamma ikkussuineq katersinerlu ilikkarusuppai. Anaanaata ilinniartissamaarpaa. Pingaarnepaavorli atuarnerminik paarsilluarnissaa. Arnaa ukiut marluinnaat atuarsimavoq. Pingaartippaalu meeqqami atuarsinnaanissaat kisitsisinnaanissaallu, siunissami sunngorusunnertik namminneq aalajangersinnaaniassammassuk. Gladys ilisimatuunngorusuppoq Nairobi majugaqarluni. Ilaquttani ikiorusuppai. Aamma tasersuaq Nakuru tassanilu flamingot takorusuppai. Timmissat aappaluartut tuusintillipassuit kusanassaqaat.

AKULLIIT



97

360°



Gladysikkut illuat uani takusinnaavarsi.



FILMIT ASSILLU TAKUSINNAVASI UANI HELEVERDENISKOLE.DK/GLADYS



ATUARAKET 2024

Naqinnera siulleq
© Oxfam Danmark
ISBN: 978-87-7208-529-6

Qujanarujussuaq ukununnga: Rebecca Bach, Dorthe Nielsen aamma Alexander Bach ilimaarinnilluarlutik isumassarsioqataanerannut. Aamma immikkut qutsavigaarput Johanne Stege Philipsen Autensimeersoq suleqataalluarsimanageranut. AtuaRaket 2024 imarisai Oxfam Danmarkip akisussaaffigai taamaalillutillu tunisisut aningaasaliisullu isumaannik ersersitsuunatik.

Aaqqisuisoq

Line Gørup Trolle

Assit

Hans Bach, Andreas Bech, Susan Kiiru, Line Gørup Trolle, William Vest-Lillesøe aamma Victor Wahome. Forsidefoto: Hans Bach 2023

Ilusilersuisoq

Peter Waldorph / peterwaldorph.dk

Kalaallisuunngortitsisoq

Kathrine Knudsen Broberg

Naqinneqarfia

Specialtrykkeriet Arco A/S

Siammarterisoq

Ilinniartitaanermut Aqutsisoqarfik
Kissarneqqortuunnguaq 20
Postboks 1610
3900 Nuuk
Oqarasuaat 345000
www.ila.gl



Qujanaq Autensimut LæseRakettenip tassungalu atasut atuartitsinissamat atorussat saqqummerneranni isumaqaqisumik suleqataalluarnerannut.



LæseRaketten saqqummersinneqarpoq OpEn – Udenrigsministeriets Oplysnings- og Engagementspulje – tapiineratigut.



Atuagaq naqinneqarpoq pappiaqqat FSC-mik uppernarsaasikkat atorlugit.

Atuakkami titartaasut atuak-kiortullu pillugit paasi-saqarnerusinnaavusi uani: heleverdeniskole.dk/tegnere-og-forfattere-2024



OXFAM
Danmark

MAXIMILLA



GLORIA



GIFT



RACHAEL



BRIAN



GLADYS



UKIOQ MANNA ATUARAKETIP KENYALIAQATIGISSAVAASI

Afrikap Kangianiittoq Kenya nunaavoq alianaatsorsuaq narsarsualik tasersualillu, qatsissua naggorissoq aammali inoqajuitsoqartoq paneqisumik. Maanna Kenyap ukiut 40-t ingerlaneranni panernersuit ajorneraat aqqusaarpaa. Tamatuma nunami piitsuunerpaat sakkortunerusumik eqqorpai.

Meeqqat arfinillit naapissavagut. Maximilla ullut tamaasa kiassuup ataani imertartartoq. Gloria orpiup baobabip mamakujuttortaanik mamarisalik nakorsanngorusuttorlu. Nairobiimi Gift aamma Rachael naapissavagut. Gift 4.salimi najugaqartoq timmisartumi aquttunngornissaminik takorluugaqartoq. Rachaeli erinarsornermik nuannarisalik silallu pissusaata allanngorneranik ernumassuteqartoq. Atuarfimmu akissaqarumalluni Kenyap sineriaani aalisartartoq Brian. Gladys atuarfimmi eqqaani orpinnik ikkussuisartoq siunissamut pilersaaruteqartoq.

Atuakkiortut titartaasartullu pikkorissut pissanganar-tunik ilungersunartunillu oqaluttualiornikuupput, taakkunani ukioq manna qulequttat naligiinnginnek, nerisassat, imeq silallu pissusaa imaritinneqarput.

Suli nunarsuarmi meeqqat 6-11-nik ukiullit 67 millionit atuartuunngillat. Nunarsuarmiut anguniagaanni 4-mi pineqarpoq inuit tamarmik atuarfimmi pitsaasumi atuarnissamut pisinnaatitaaffeqarnerat. Tamatuma meeqqat siunissami namminnek ilusilersueqataasinnaanannerannik periarfissippai.

AtuaRaketip atuarneratigut meeqqat tamarmik atuartuunissamik pisinnaatitaaffeqarnerannik ukkaseqataatitsivusi.

AtuaRaket aamma LæseRaketten 2024 atuarluarisigit.